

PILUAQNAQTULIQUAUNGITTUQ HAVAMUT NAINAQHIMAYUQ

Tamna tukhigaqtuq, Golden Bull Risuasis Kuapurisan ((“GBR-kut”) tamna 100 pusauyuq nanminigiyauyuq tapkununga Golden River Risuasis Kuapurisan (“GRR-kut”)), uuktugutilik havakniinik havikhaqhiuqniqmut havagutit tahamani Hood (CO-20-002), Contwoyto (CO-08-001A, B, C, D tamnalu E) tamnalu Rockinghorse (CO-44-00-01A tamnalu B) IOL nunat tatyatihimayai 100 pusauyuq atiqhimayut tapkununga Golden Bull Risuasis Kuapurisan. Tatya piyungnautit angiqhimayut tuniyauplutiklu taphumunga Hood tamnalu Contwoyto nunat. Tapkununga tatyatihimayut tapkuat nanminilgit tatyatihimayut ilaliutinia tamna Rockinghorse Nuna tahapkununga piyungnautinut. Tapkuat nunat piyauyumayut tahamanittut tamaqminut talvani KIA – Inuit Nanminia Nunat CO-08 tamnalu CO-20 tamnalu CO-44 nunat ilauni.

Hitamanut ukiunut havaikhaqhiuqniqmut havagutit, tihimakpata kayuhinaqtut nakuyumik piyauni, uuktugutauyuq atahapkununga Inuit Nanininia Nunat pigiyauni. Tapkuat 2010 havikhaqhiuqniqmut havagutit pinahauqniqhauyuq tapkununga CO-20-002 tamnalu CO-08-001 IOL. Tapkuat havikhaqhiuqnit ilaqaqniat titiqtugauni pinguqtauni (immaqak atuqlugit sikiitut), nunaliginiqmut nunauyaliuqniq, nalvaqhiuqniq, nunaliginiqmut naunaiyainiq tapkuatlu atulat tamatkiqlugit hivikkittumut ikuutaqniqmut havagutit. Hivuliqmik nunaliginiqmut naunaiyaqni piyauniat tahamani Rockinghorse CO-44-00-01A tamnalu B Inuit Nanininia Nunat atuqlugit nunaliginiqmut nunauyaliuqniq nalvaqhiuqniqlu. Tapkuat 2010 atuqtaunihaq hiniktaumavik iniqaqniq talvani Penthouse Tahiq nunani. Atuqtitlugu 2010 kivgaqtuauniaq atuqtaunihauluni tahapkununga tamaitnut havikhaqhiuqniqmut havaktit havakniinut talvani HOOD, Contwoyto tamnalu Rockinghorse Inuit Nanininia Nunat nunat. Tikittaqni tapkuat nunat sartukkuqniat, qayalikmut tingmitmut Yalunaivmit talvunga Penthouse Tahiq/Esker Tahiq (mikiyuq tahiq kivataani/kanangnangani taphuma Oz Minerals [Zinifex / Wolfden] Ulu Piyauniini). Aulatytutit tahamani piqaqtitauniat hiniktaumavikmit halikaptakkut kanturaktitauhimayumut tapkununga GBR-kut. Uqhukha tingmititauniaq tugaqlugu talvunga Penthouse Tahiq/Esker Tahiq pilaqlu, tuklikhaini ukiuni tapkuat havikhaqhiuqniqmut havagutit, tingmititauluni (apqutikkuqluniluniit) talvunga Lupin, Jericho tamnaluniit Ulu milvik talvangatlu nuktigaulutik atuqtauyunut hiniktaumaviknut halikaptakkut. Tamaqmik uqhukhat hiniktaumavikni tutqukhimaniat avallulikmi hiamaktailivikmi ahivaqtaulutiklu iniqata atuni ukiut havakviuni.

Tapkuat hivuliqmik havaktit pinguititiniat nunalikni titiqtuqni nunat tahamani Hood tamnalu Contwoyto Inuit Nanininia Nunat nunat tahapkunani nunat nunaliginiqmut naunaiyaqni nunamilu niptqaqtaulilityutauni, EM tamnalu IP nunaliginiqmut naunaiyaqni havaktauniat. Piplugu nunaliginiqmut naunaiyainiq upalungaiyaqtauniqmat Upingalihaqtitlugu 2010, hivuani pinguititiniat angitqiyat hiniktaumaviuniqhat, tamna nunaliginiqmut havaktit nayuqniaqhat mikiniqhat, nukttilat “tingmitmut” hiniktaumavit atuni havavikni pihuinaqialikni tikittaqni titiqtugayut nunat. Pitaqniini tapkuat qanugitni tahapkuat naunaiyaqni mikiuyt nunaliginiqmut havaktit nuktigaulutik nunanut nalvaqhiuqvikhat, nunauyat naunaiqtugatlu. Upingakhaukhaqtitlugu 2010-mi, atuqtitlugu hivilit maniqami havavikni, tamna 20 (amigaitniqhamik 25) inuktaqqaqnia hiniktaumavik pinguititiniat talvani uataani ihuani Penthouse Tahiq (talvanilunit ilani uuktugayuq atulaq inikhat talvani Esker Tahiq tamnaluniit Hood Kuugaq). Pikpata qanugitni tapkuat hivuliqmik nunaliquit,

nunaliginiqmut qanugitni nunaliginiqmutlu takukhauni naunaiyaqni nakukpata, kiklilittaqtut (qaqtainiq) hivikittumiklu ikuutaqniqmut havagutit havaktaulat atuqtitlugu hivulliq ukiuq havagutani pilaqtut pitagahuaqniiut humittakhainut nunaliginiqmut qanugitni naunaiyautit tahamani havikhaqtaaqniani pitquhiani. Atuqtitligit tapkuat kinguagut havaikhaqhiuqniqmut ukiukhat (2011-2013), tamna hiniktaumavik pilaq pinguqtatqikhaqnia talvanii Tahiqyuaq Nunani piplugu manigaq tahamani naunaiyatqikhaqtauniaqmat. Ilavaligutit nunaliginiqmut takukhauni, nunaliquitit, iluttuqtiginiq ikuutaqniqlu havagutit upalungaiyaqtauniat, pikpata tugaqtakhat pinguqtauni. Atuqtitlugu tamna kinguliqpaq ukiuq uuktugutauyuni havagutit, tugaqtakhat naunaiqtauni hivuliqni maniqami ukiungini qiniqtauniat havattiaqlugit ilatyutinut nunaliginiqmut takukhauniinut naunaiyaqni ikuutaqniqmutlu havagutit.

Atuqtitlugu tamna uuktugutauyuq havikhaqhiuqniqmut havagutit, nappaqhimainaqtukhanik pinguqtilaittut tamaitalu iqakut hiniktaqviknilu hunat ahivaqtauniat ihulittgangata maniqami ukiungani talvanilu ihulitpat tamna havagutit. Anait puqhimaniat atuqlugit "Pacto-tut" hilaippait kinguagutlu ikualattiyaulutik aqyailu hauylutik/utiqlugit agyaqlugitluniit Yalunaivmut. Imat halumaittut hiniktaumavikmi ikuutaqviknilu imaiyaqtauniat ilutuniqmut halumaqhikitukhat. Tamna ilutuniq halumaqtigauniaq iniqata atuni ikuutaqvikni putugini tamnaluniit piplugu hiniktaumavik, ihulitniani atuni maniqami ukiungini. Tamaita iqakut ikualattiyaunder qau tamaat angiqhimayuni ikualattivikni naptuni iqakut naniktigaulutik utiqtitauniat nuktiqlugit iqaqtauyukhat Yalunaivmi.

Havikhaqhiuqniq ihulitniani 2013 naunaigutauyukhauyuq atulakhani tugaqtakhat havikhaqhiutqiktaunikhainut pivaliatitniiluniit. Talvuna tamaita atulaktut hanayaayut ahivaqtauniat havavikmit nunalu tamaqminut halumaqtigauniaq atuqlugu tunihimayut Halumaqtiginiqmut Upalungaiyautit. Pikpat uuktugutauyut havikhaqhiuqniqmut havagutit nakuukpata, tukhigaut nutamut nunap atuqnianut piyungnaut tuniyauniaq ihumagiplugit pivaliatitaulaqnikhat taphumunga havanguyumut.

Golden Bull Risuasis Kuapurisan atuqqiagahuat aulaniinut uqaqatigikniq ikayuqtigikniqlu tamaitnut ilauyunut, ialutitluginut nunalikni nunaliuyut, tamaitalu aulattiyit kavamatkut havakti tapkuatlu Inuit Katutyiqatigit.

Bruce Goad, P. Geo.

INUUKSHUK EXPLORATION INCORPORATED

(Kivgaqtuqhugit tapkuat Golden Bull Risuasis Kuapurisan)

Januari 08, 2010.